

Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo

Broj: 03-03-02-19681/21
Sarajevo, 19.01.2022. godine

Na osnovu člana 104. stav (2) alineja a) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 14/21), Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo u sastavu Onahti Čerkez – predsjednik, Elvis Zornić - zamjenik predsjednika, Azra Koldžo – član i Jasmina Lukovac - član, povodom zahtjeva Ministarstva unutrašnjih poslova Kantona Sarajevo, broj: 01-7-04-847-2/21 od 21.04.2021. godine i urgencija po zahtjevu, broj: 01-7-04-847-5/21 od 18.05.2021 godine i 01-7-04-847-7/21 od 01.09.2021. godine kojim se traži tumačenje odredbi čl. 47. u vezi sa članom 59. Kolektivnog ugovora za državne službenike i namještenike u organima državne službe Kantona Sarajevo (u daljnjem tekstu: Kolektivni ugovor), na vanrednoj sjednici održanoj dana 30.12.2021. godine donosi

ODLUKU

I

Utvrđuje se tumačenje odredbe člana 47. Kolektivnog ugovora, kako slijedi:

“Pored poslova s otežanim/posebnim uslovima rada i posebnom prirodom utvrđenih posebnim zakonom, pravilnikom o radu ili posebnim pravilnikom o zaštiti na radu, utvrđuju se poslovi s otežanim/posebnim uslovima rada i rokovi za vršenje periodičnih zdravstvenih ljekarskih pregleda, u skladu sa propisima o zaštiti na radu i zaštiti zdravlja radnika. Poslovima sa otežanim/posebnim uslovima rada smatraju se: poslovi sa povećanim rizikom od povređivanja, nastanka profesionalnih oboljenja i oštećenja zdravlja radnika; poslovi sa specifičnim zahtjevima, koji u cilju bezbjednog i uspješnog rada uslovljavaju posebne zdravstvene i psihofizičke sposobnosti radnika na tim radnim mjestima; poslovi na kojima ne postoji mogućnost primjene propisanih mjera zaštite na radu. Utvrđivanje radnih mjesta sa posebnom prirodom posla, u smislu odredbi Kolektivnog ugovora je u isključivoj nadležnosti rukovodioca organa državne službe i utvrđuje se pravilnikom o radu.”.

II

Utvrđuje se tumačenje odredbe člana 59. Kolektivnog ugovora, kako slijedi:

“Uvećanje osnovne plaće po osnovu posebnih uslova rada i prirode posla iz stava (1) ovog člana utvrđuje se u pravilniku o plaćama i naknadama organa državne službe, u skladu sa kriterijima utvrđenim kolektivnim ugovorom, zakonom i drugim propisima.”.

III

Upućuje se podnosilac zahtjeva da prije donošenja Pravilnika o radnim odnosima u pitanju poslova sa otežanim/posebnim uslovima rada u Ministarstvu unutrašnjih poslova i Upravi policije sačeka usvajanje Pravilnika o zaštiti na radu.

IV

Ova odluka će se dostaviti podnosiocu zahtjeva i Sindikatu putem Ministarstva pravde i uprave Kantona Sarajevo.

V

U skladu sa odredbom člana 104. stav (8) Kolektivnog ugovora, ova odluka ima pravnu snagu i učinak Kolektivnog ugovora.



Elvis Zornić



Onahti Čerkez



Azra Koldžo



Jasmina Lukovac